Adresa: Blv, "Deshmorēt e Kombit", Sheshi "Nènè Tereza", Tiranè Shqipëri. Tel/Fax: +35542225488, www.uartedual

## VENDIM

Nr. 21, Datë $29105 / 2014$

## PËR MIRATIMIN E RREGULLOREVE DHE KRITEREVE TË KONKURSIT TË CIKLIT TË PARË "BACHELOR" DHE CIKLIT TË DYTË "MASTER", TË FAKULTETIT TË ARTIT SKENIK, PËR VITIN AKADEMIK 2014-2015

Senati i Universitetit të Arteve, në mbledhjen e datës $29105 / 2014$, pasi shqyrtoi dokumentaciơnin e paraqitur dhe pas diskutimeve të anëtarëve, bazuar në Ligjin nr. 9741, datë 21.05.2007, "Për Arsimin e Lartë në Republikën e Shqipërisë" i ndryshuar, si dhe duke u mbështetur në statutin e Universitetit të Arteve, i ndryshuar.

## VENDOSI

1. Miratimin e Rregulloreve të Konkursit të ciklit të parë "Bachelor" dhe ciklit të dytë "Master", për vitin akademik 2014-2015, për Fakultetin e Artit Skenik.
2. Miratimin e Kritereve të Konkursit të ciklit të parë "Bachelor" dhe ciklit të dytë "Master", për vitin akademik 2014-2015, për Fakultetin e Artit Skenik.
3. Ky Vendim hyn në fuqi menjëherë.

$\qquad$ 2014

## RREGULLORE

# PËR ZHVILLIMIN E KONKURSIT TË PRANIMIT NË PROGRAMET E CIKLIT TË PARË 

"BACHELOR" NË̈ FAKULTETIN E ARTITT SKENIK, NË UNIVERSITETIN E ARTEVE PËR VITIN AKADEMIK 2014-2015


MIRATUAR ME VENDIM NR $\qquad$ DATË29.05.2014 TË SENATIT AKADEMIK TË UNIVERSITETIT TË ARTEVE

Adresa: Blv. "Deshmoret e Kombit", Sheshi "Nene Tereza", Tirane Shqipëri. Tel: +35542247598 , wnw.uart.edu.al
Në zbatim të Ligjit Nr. 10307, datë 22.07.2010 për disa ndryshime dhe shtesa në ligjin Nr. 9741, datë 21.05.2007 "Për Arsimin e Lartë në Republikën e Shqipërisë " (i ndryshuar ), Kreu IV, Organizimi i Studimeve në Institucionet e Arsimit të Lartë, Neni 33 Pranimi në ciklin e parë të studimeve, konkurset e pranimit në Fakultetin e Artit Skenik për vitin akademik 2014-2015 do të zhvillohen si më poshtë:

## Neni 1 <br> Pranimi ikandidatëve

1.1 Pranimi i kandidatëve në Fakultetin e Artit Skenik në Universitetin e Arteve, bëhen mbi rezultatin e konkurseve që zhvillohen pranë këtij Fakulteti, në të gjitha programet e studimit sipas kësaj Rregulloreje si dhe kritereve të miratuara nga Senati Akademik i Universitetit të Arteve dhe pikëve totale të Maturës Shtetërore.
1.2 Kandidatët nga trojet Shqiptare jashtë kufijve që përfitojnë nga kuotat e veçanta Për Shqiptarët nga trevat jashtë kufijve të vendit si Kosova, Maqedonia, Mali i Zi, Presheva, Bujanovci dhe Medvegja, do të përzgjidhen mbi bazën e kësaj rregulloreje.
1.3 Përzgjedhja e tyre është e ndërvarur nga numri i kuotave të përcaktuara nga Ministria e Arsimit dhe Sportit, posaçërisht për trojet Shqiptare.
1.4 Pikët e vlerësimit për çdo konkurrent do të ndahen sipas Udhëzimeve të MAS.

## Neni 2

Procedura e organizimit dhe mbarëvaities së konkursit
2.1 Dekani i Fakultetit, mbështetur nga propozimet e Përgjegjësve të Njësive Baze, merr masa dhe organizon ngritjen e Komisioneve të Pranimit për çdo program e Studimi.
2.2 Përbërja e Komisionit të Pranimit të Programit të Studimit shpallet në ditën e fittimit tẽ konkursit.
2.3 Në përbërjen të Komisionit të Pranimit aktivizohen:
I. Titullarë të fushës përkatëse,
II. Pedagogë efektivë të Departamenteve përkatëse,
III. Pedagogë të ftuar të Fakultetit, sipas nevojës për ato programe studimi ku nuk mund të mbulohen nga pikat I, II të këtij Neni.
2.4 Në përbërjen të komisionit nuk mund të jenë pedagogë apo persona të tjerë të cilët kanë bërë konsultime private lidhur me konkursin e pranimit apo janë në konflikt interesi.
2.5 Në ambientet ku zhvillohet konkursi nuk lejohet hyrja e personave të pa autorizuar nga Titullari i Fakultetit të Artit Skenik .
2.6 Për monitorimin e të gjithë procedurave të konkurrimit, që kanë të bëjnë me organizimin, administrimin, vlerësimin dhe shpalljen e rezultateve, Rektori i UART, me Urdhër të posaçëm ngre grupin përkatës, ì cili monitoron cilësinë e zhvillimit të gjithë procedurave të konkurrimit në Fakultetin e Artit Skenik, si dhe nga përfaqësuesit e MAS.

## Neni 3

 Procedura e hyries së kandidatëve në mjediset e konkurrimit.3.1 Kanë të drejtë të regjistrohen për në konkurs të gjithë kandidatët sipas listës së dërguar nga Ministria e Arsimit dhe Sportit.
3.2 Kanë të drejtë të hyjnë në konkurs të gjithë kandidatët sipas listës së regjistruar pranë Sekretarisë mësimore të Fakultetit të Artit Skenik.
3.3 Konkursi për Fakultetin e Artit Skenik do të zhvillohet në ambientet e Fakultetit, sipas udhëzimeve të MAS.
3.4 Lejohen të hyjnë në konkurs vetëm kandidatët e listës së shpallur për konkurrim, të cilët duhet të jenë të pajisur me dokument identifikimi si më poshtë:
I. Kartë Identiteti,
II. Pasaportë për jashtë shteti.
III. Kandidatët që nuk kanë asnjë nga këto dokumente identifikimi nuk do të pranohen të marrin pjesë në konkurs.
3.5 Kandidati konkurrent për të hyrë në konkurs duhet të paraqesë në hyrje edhe mandat pagesën e bërë në llogari të Universitetit të Arteve. Kjo e bazuar në Udhëzimet e Ministrisë së Arsimit dhe Sportit.
3.6 Në varësi të specifikave për secilin Program Studimi komisionet do të punojnë paradite dhe pasdite me paraqitjet individuale të kandidatëve, duke i bërë të ditura më parë oraret përkatëse. Oraret duhet të shpallen në ambientet e Fakultetit të Artit Skenik.
3.7 Oraret e fillimit të konkurseve, si dhe ambientet e zhvillimit të tyre do të jenë të shpallura në kalendarin e zhvillimit të konkurseve në ambientet e Fakultetit të Artit Skenik. Ky kalendar shpallet në Fakultet një javë përpara fillimit të konkursit.
3.8 Ditën e parë të konkursit pasi të jenë sistemuar në ambientet e zhvillimit të tij, kandidatëve u komunikohen regullat e konkurrimit. Kjo bëhet nga Kryetarët e komisioneve përkatëse.
3.9 Sekretaria mësimore ju dorëzon me procesverbal Kryetarëve të Komisioneve të Programit të Studimit të gjitha materialet për konkurs, si dhe listat e konkurrentëve të regjistruar pranë kësaj sekretarie.
3.10 Bazuar në kriteret për secilin Program Studimi, komisionet krijojnë hapësirën kohore të nevojshme për shpërfaqjen individuale të kandidatëve gjatë konkurrimit.

## Neni 4 <br> Vlerësimi dhe shpallia e rezultateve

4.1 Vlerësimi për paraqitjen individuale të çdo kandidati bëhen nga Komisioni i Pranimit të Programit të Studimit, përbërja dhe numri i të cilit caktohen nga titullari i FakultetibHQIP E
4.2 Numri i anëtarëve të komisionit në asnjë rast, nuk duhet të jetë më i vogël se 3 (tre).


Adresa: Blv. "Deshmoret e Kombit", Sheshi "Nene Tereza", Tirane Shqiperi. Tel +35542247 598, www.uart edu.a
4.3 Gjatë paraqitjes individuale të kandidatëve, anëtarët e jurisë mbajnë shënimet përkatëse. Po ashtu çdo anëtar i jurisë ka të drejtë t'i drejtojë kandidatit që konkurron kërkesa konkrete, të cilat i duken të arsyeshme për një shpërfaqje sa më të mirë të tij.
4.4 Mbas paraqitjes së kandidatit të fundit, në mbarim të gjithë seancave që parashikohen në kriteret e konkurrimit, Komisioni i Pranimit të Programit të Studimit, nën drejtimin e Kryetarit, mblidhen për të vlerësuar një për një paraqitjet e secilit kandidat. Vlerësimi përmban debatin si formë kryesore dhe në fund vendosjen e pikëve për secilin kandidat.
4.5 Pikët e mundshme në dispozicion të Komisionit të pranimit, shpërndahen në mënyrë të barabartë tek të gjithë anëtarët e komisionit. Secili anëtar vendos sasinë e pikëve përkrah emrit të kandidatit.
4.6 Komisioni i Pranimit të Programit të Studimit, në përfundim të vlerësimeve, përpilon listën e kandidatëve me pikët respektive në bazë të listës së sekretarisë mësimore. Lista në fund nënshkruhet nga të gjithë anëtarët e Komisionit të Pranimit.
4.7 Lista e nënshkruar si dhe shënimet e anëtarëve të komisionit të pranimit për çdo konkurrent, i dorëzohen me procesverbal titullarit të Fakultetit.
4.8 Komisionet e Programeve të Studimit në Fakultetin e Artit Skenik për mbarëvajtjen e konkursit marrin edhe këto masa :
a) Aktrim

Për secilin kandidat Komisioni i Pranimit të programit të studimit Aktrim xhiron me kamera njërin prej materialeve që e gjykon të arsyeshëm.
b) Regji

Komisioni depoziton në një dosje të veçantë platformën regjisoriale të gjithë kandidatëve për programin e studimit Regji. Po ashtu xhiron me kamera edhe njërin prej materialeve për secilin kandidat. Materialin e përcakton komisioni.
c) Skenografi - Kostumografi

Komisioni depoziton punimet e kryera gjatë ditëve të konkursit së bashku me dosjet personale për secilin kandidat për programin e studimit Skenografi \& Kostumografi. Po ashtu depoziton në një dosje të veçantë testin teorik për secilin kandidat të sekretuar.

Në këtë specialitet komisioni e fillon punën e tij pas përfundimit të procesit të konkursit të konkurrentëve.
d) Regji Filmi dhe TV

Komisioni depoziton në një dosje të veçantë etydin regjisorial mbi baza fotografie për secilin kandidat për programin e studimit Regji Filmi dhe TV. Po ashtu depoziton në këtë dosje edhe platformën regjisoriale nga secilin kandidat gjatë konkurrimit.
e) Koreografi

Komisioni depoziton në një dosje të veçantë libretin koreografik të kandidatëve-për programin e studimit Koreografi. Po ashtu xhiron me kamera edne njerin pré materialeve koreografike që komisioni e gjykon të arsyeshëm për seciliñ kandiat.

Adresa: Blv. "Deshmoret e Kombit", Sheshi "Nene Tereza", Tirane Shqiperi. Tel: +35542247598 , wwwuart.edu.al
4.9 Komisionet e Pranimit të Programit të Studimit pas vlerësimeve për çdo kandidat, të gjitha dosjet dhe kasetat me materialet e mësipërme ja dorëzojnë me procesverbal Titullarit të Fakultetit.
4.10 Lista përfundimtare me pikët respektive për të gjithë Programet e Studimit firmosen nga Titullari i Fakultetit dhe i dërgohet Ministrisë së Arsimit dhe Sportit.

## Neni 5

Shpallia e fituesve
5.1 Shpalljen e listës së renditjes provizore të rezultateve për konkursin e pranimeve të pikëve e bën Dekani i Fakultetit.
5.2 Në rastin kur disa konkurrues kanë fituar të njëjtin numër pikësh, ata nënrenditen midis tyre sipas rendit zbritës të pikëve të fituara në testin special.

## Neni 6

## Regiistrimi për të fituar statusin e studentit

6.1 Kandidatët që shpallen fitues, duhet të regjistrohen për të fituar statusin e studentit.
6.2 Kandidatët që regjistrohen si student në Universitetin e Arteve duhet të paraqesin dokumente origjinale. Ato duhet të jenë në vartësi të Udhëzimeve të MAS.
6.3 Sekretaria duhet të pajisë kandidatin me një fletë të posaçme ku shënohet: numri i regjistrimit, emri i kandidatit si dhe data dhe ora e regjistrimit. Fleta e regjistrimit duhet të jetë e nënshkruar nga Dekani dhe Sekretarja e Fakultetit.
6.4 Gjithashtu në këtë regjistër duhet të nënshkruajë çdo kandidat fitues, i regjistruar më parë, por që kërkon të ç'regjistrohet nga kjo degë për arsye të ndryshme.
6.5 Kandidatit që çregjistrohet i kthehen vetëm dokumentet origjinale personale por jo pagesa e regjistrimit.
6.6 Regjistrimet e kandidatëve fitues për të gjitha kuotat kryhen pranë Sekretarisë së Fakultetit të Artit Skenik, në datat që do të përcaktojë Ministria e Arsimit dhe Sportit.

## Neni 7

## Rregulla për kandidatët

Gjatë konkursit, kandidati duhet të respektojë këto rregulla:
7.1 Kandidatët duhet të paraqiten në Fakultet ditën e parë të fillimit të konkursit në orën e përcaktuar në kalendarin e zhvillimit të konkurseve i shpallur në Fakultetin e Artit Skenik.
7.2 Kandidati do të paraqitet para Komisionit të Pranimit të Programit të Studimit në bazë të orarit që do të përcaktojë Komisioni i Programit të Studimit.
7.3 Mosparaqitja në bazë të këtij orari çon në s'kualifikimin e tij nga konkursi.
7.4 Konkursi është kolektiv dhe individual.
7.5 Kandidati duhet të shpërfaqi para Komisionit kërkesat që rrjedhin nga kritere ct pelp çdo Program Studimi.

Adresa: Blv. "Deshmoret e Kombit", Sheshi "Nene Tereza", Tirane Shqipëri. Tel: +35542247598 , www uart.edu.al
7.6 Nga ana tjetër komisioni krijon atmosferën e nevojshme që kandidati të shpreh aftësitë e tij.
7.7 Kandidati do të largohet nga konkurrimi vetëm kur komisioni t'ia kërkojë këtë gjë.

$\qquad$ 2014

# KRITERET E KONKURSIT PËR FAKULTETIN E ARTIT SKENIK 

## VITI AKADEMIK 2014-2015

## Programi i Studimit: AKTRIM

Kandidatët e Programit të Studimit Aktrim duhet të interpretojnë përpara komisionit të pranimit materialet e mëposhtme :

1. Tregim
2. Poezi
3. Monolog ( i zgjedhur nga vetë kandidati konkurues )
4. Monolog nga dramaturgjia klasike botërore si Rasin, Kornej, Molier, Shekspir etj.
( i detyruar)
5. Një fabul ose anekdodë
6. Bashkëbisedim mbi njohuritë e letërsisë dhe teatrit shqiptar dhe botëror.
7. Bashkëbisedim mbi njohuritë e kinematografisë shqiptare dhe botërore.
(Koha në dispozicion për paraqitjen e materialeve të kandidatit për student është 30 min.)
Koha e zgjatjes së konkurimit në programin e studimit Aktrim është në varësi të numrit të kandidatëve pjesëmarrës.


## I. Programi i Studimit: REGJISURË

Gjatë zhvillimit të konkursit kandidatit i kërkohet nga komisioni i pranimit:

- Hartimi i një skicë platforme regjisoriale mbi bazën e një pjesë dramatike që caktohet aty për aty nga komisioni ( tema, konflikti, personazhet, dekori, imazhi regjisorial etj. )
- Bashkëbisedimi mbi formimin e përgjithshëm kulturor në fushën e teatrit, dramaturgjisë, filmit, letërsisë në përgjithësi, arteve figurative etj.
(Koha në dispozicion të kandidatëve është 5 orë, një ditë.))
Interpretimi i materialeve të mëposhtme :
a) Monolog
b) Tregim
c) Poezi
(Koha në dispozicion të kandidatëve është 5 orë, një ditë.)
Etydin regjisorial mbi bazën e një teme të caktuar që sugjerohet aty për aty nga komisioni.
(Koha në dispozicion të kandidatëve është 5 orë, një ditë.))
Konkursi në programin e studimit aktrim zhvillohet në tre ditë.
Koha e zgjatjes së konkurimit në programin e studimit Regji është në varësi të numrit të kandidatëve pjesëmarrës.

Gjithashtu kandidati i nënshtrohet edhe kërkesave të tjera plotësuese që jepen nga komisioni i pranimit.


REPUBLIKA E SHQIPERISE UNIVERSITETII ARTEVE FAKULTETII ARTIT SKENIK

## II. Programi i Studimit: SKENOGRAFI - KOSTUMOGRAFI

Kandidati duhet t'i nënshtrohet këtyre kërkesave :

- Realizimi i një modeli të kompozuar nga natyra në vizatim. (koha: 5 orë, një ditë. ) Realizimi i një modeli të kompozuar nga natyra në pikturë. (koha: 5 orë, një ditë.)
- Krijimi i një projekti skenografik ose kostumografik. (koha: 3 orë.)
- Testimi teorik me shkrim mbi formimin e përgjithshëm kulturor dhe profesional në fushën e teatrit, letërsisë dhe muzikës (në formimin profesional duhet të ketë njohuri teorike për specifikën e skenografisë, kostumografisë, pikturës, vizatimit dhe Historisë së Arteve Figurative. )
(koha: 45 minuta.)
Konkurenti duhet të paraqesë dosjen personale e cila duhet të ketë kompozime në skenografi, kostumografi, pikturë, vizatim etj. Dosja dorëzohet ditën e fundit të konkursit, mbi të cilën do të bëhet bashkëbisedimi më komisionin.
(koha: 30 minuta.)

Konkursi në programin e studimit skenografi-kostumografi zhvillohet në tre ditë.

SHËNIM: Telajot, letrat, bojrat do të përballohen nga vetë kandidati.


Adresa: Blv. "Deshmorèt e Kombit", Sheshi "Nënè Tereza", Tiranë Shqipëri. Tel: +35542247598 , www.uart.edu.al
III. Programi i Studimit: KOREOGRAFI

Konkursi do të zhvillohet me një fazë dhe do të ketë këto kërkesa :
Ushtrime klasike, (klasë baleti).
(koha: 90 minuta)

- Demonstrim i një variacioni nga baletet e ndryshme botërore dhe shqiptare.
(koha: 90 minuta)
- Kompozim nga kandidati për ndërtimin e një motivi klasik si dhe popullor me ritme 2/4; $3 / 4$; dhe ritme të përziera.
( koha: 60 minuta)
(një ditë)
- Ekzekutimi i një pantomime sipas kërkesës së komisionit.
( koha: 60 minuta)
- Përgatitja e një libreti koreografik dhe demonstrimi i gjuhës shprehëse të personazheve ( Tema jepet nga komisioni).
( koha: 260 minuta, një ditë)
- Bashkëbisedim rreth njohurive teorike e praktike mbi Folklorin Koreografik Shqiptar.
(koha: 60 minuta)
- Bashkëbisedim rreth njohurive mbi Historinë e Baletit Shqiptar dhe Botëror.
( koha: 60 minuta)
(një ditë)
Konkursi në programin e studimit koreografi zhvillohet në tre ditë.
Koha e zgjatjes së konkurimit në programin e studimit Koreografi është në varësi të numrit të kandidatëve pjesëmarrës.


## DEKANI



## IV. Programi i Studimit: REGJI FILMI DHE TV

Kandidatët për këtë specialitet duhet të përmbushin kërkesat e mëposhtme :
Hartimin e një skicë - platforme regjisoriale në bazë të një tregimi, novele apo historie të shkurtër që caktohet aty për aty nga komisioni pranues. ( tema, konflikti, karakteret, skenografia, imazhi regjisorial)
( koha: 240 minuta)

Bashkëbisedim mbi formimin kulturor në fushën e kinematografisë shqiptare dhe botërore, zhanret e filmit, letërsisë në përgjithësi, muzikës, artet figurative etj.
( koha: 60 minuta,)
(një ditë)
Njohuri për përdorimin e aparatit fotografik me film. ( si opsion mund të jetë dhe aparati digital digital)
( koha: 300 minuta, një ditë)

Etydin regjisorial mbi baza fotografie të një teme që sugjerohet nga komisioni aty për aty. (koha: 300 minuta)
(një ditë)

## Konkursi në programin e studimit regji filmi dhe televizioni zhvillohet në tre ditë.

Koha e zgjatjes së konkurimit në programin e studimit regji filmi dhe televizioni është në varësi të numrit të kandidatëve pjesëmarrës.

Kandidati duhet të disponojë gjatë zhvillimit të konkursit një aparat fotografik me film ose digital.

SHËNIM : Të gjithë të interesuarit për sqarime të mëtejshme të paraqiten pranë Sekretarisë së Fakultetit.


## RREGULLORE

## PËR ZHVILLIMIN E KONKURSIT TË PRANIMIT

## NË PROGRAMET E CIKLIT TË DYTË

"MASTER I ARTEVE TË BUKURA"
NË FAKULTETIN E ARTIT SKENIK,

## NË UNIVERSITETIN E ARTEVE

## PËR VITIN AKADEMIK 2014-2015

MIRATUAR ME VENDIM NR $\qquad$ DATË 29.05? 2014 TË SENATIT AKADEMIK TË UNIVERSITETIT TË ARTEVE


Adresa: Blv. "Deshmoret e Kombit", Sheshi "Nëne Tereza", Tirane Shqipëri. Tel: +35542247598 , www.uart.edu.al
Në zbatim të Ligjit Nr. 10307, datë 22.07.2010 për disa ndryshime dhe shtesa në ligjin Nr. 9741, datë 21.05.2007 "Për Arsimin e Lartë në Republikën e Shqipërisë " (i ndryshuar ), Kreu IV, Organizimi i Studimeve në Institucionet e Arsimit të Lartë, Neni 34 Pranimi në ciklin e dytë të studimeve, si dhe mbështetur në Rregulloren e UART të ciklit të dytë të studimeve "Master" Kreu II "Dokumenti themelor i programeve të studimit në Master" Neni 10 "Pranimi i studentëve në programet e studimit të ciklit të dytë", konkurset e pranimit në Fakultetin e Muzikës për vitin akademik 2014-2015 do të zhvillohen si më poshtë:

## Neni 1 <br> Pranimi ikandidatëve

1.1 Pranimi i kandidatëve në Fakultetin e Artit Skenik në Universitetin e Arteve, bëhen mbi rezultatin e konkurseve që zhvillohen për studimet në ciklin e dytë të studimeve "Master", pranë këtij Fakulteti, në të gjitha programet e studimit sipas kësaj rregulloreje si dhe kritereve të miratuara nga Senati Akademik i Universitetit të Arteve.
1.2 Kandidatët nga trojet Shqiptare jashtë kufijve që përfitojnë nga kuotat e veçanta "Për Shqiptarët nga trevat jashtë kufijve të vendit si Kosova, Maqedonia, Mali i Zi, Presheva, Bujanovci dhe Medvegja", do të përzgjidhen mbi bazën e kësaj rregulloreje.
1.3 Përzgjedhja e tyre është e ndërvarur nga numri i kuotave të përcaktuara nga Ministria e Arsimit dhe Sportit, posaçërisht për trojet Shqiptare.

## Neni 2

Kriteret e pranimit
2.1 Të kenë kryer programin e studimit të ciklit të parë Bachelor pranë këtij fakulteti ose nga Fakultete të tjera si brenda dhe jashtë vendit.
2.2 Pranohen të gjithë ato kandidatë që kanë kryer studimet në ciklin e vjetër 4-vjeçar në fakultetin e Artit Skenik. Gjithashtu edhe ato kandidatë të ciklit 4-vjeçar, të fakulteteve të tjera brenda dhe jashtë vendit.
2.3 Për konkurrentët që kanë kryer studime jashtë vendit kërkohet njësimi i Diplomës sipas Ligjeve në fuqi.
2.4 Baza e konkurrimit për kandidatët në të gjitha programet e studimit të ofruara nga Fakulteti i Artit Skenik për studime në ciklin e dytë të studimeve "Master", janë kriteret e miratuara nga Senati Akademik i Universitetit të Arteve.
2.5 Kandidatët për programin e studimit "Master i Arteve të Bukura", duhet të dorëzojnë pranë Fakultetit të Artit Skenik, dosjen personale të konkurrentit ku të jenë të përfshira:
I. CV e tij/e saj,
II. Diplomën,
III. Listën e notave të programit të studimit të kryer,
IV. Dëshmi mbi rezultatet e arritura në procesin e realizimit të programit mësimor,
V. Projekte,


Adresa: Blv. "Deshmoret e Kombit", Sheshi "Nenee Tereza", Tirane Shqiperi. Tel: +35542247598 , www.uart edu.al
$\begin{aligned} \text { VI. } & \text { Shfaqje, } \\ \text { VII. } & \text { Filma, } \\ \text { VIII. } & \text { Ekspozita, etj. }\end{aligned}$
2.6 Dosja duhet të përmbajë dëshmitë e aktiviteteve artistike, si brenda dhe jashtë shkollës:
I. Postera,
II. Fletë palosje,
III. Fotografi,
IV. Dhe çdo material tjetër që dëshmon aktivitetet artistike të konkurrentit.
2.7 Kandidatët që kanë kryer programe të tjera studimi, jashtë Fakultetit të Artit Skenik, brenda dhe jashtë vendit do të bëjnë një intervistë bashkëbisedimi me komisionin e pranimit.
2.8 Për çdo sqarim tjetër në lidhje me konkursin, programet e studimit si dhe me plotësimin e krediteve, drejtohuni pranë Fakultetit të Artit Skenik.

## Neni 3 <br> Procedura e organizimit dhe mbarëvaities së konkursit

3.1 Dekani i Fakultetit, mbështetur nga propozimet e Përgjegjësve të Njësive Bazë, merr masa dhe organizon ngritjen e Komisioneve të Pranimit për çdo program e Studimi.
3.2 Përbërja e Komisionit të Pranimit të Programit të Studimit shpallet në ditën e fillimit të konkursit.
3.3 Në përbërjen të Komisionit të Pranimit aktivizohen:
I. Titullarë të fushës përkatëse,
II. Pedagogë efektivë të Departamenteve përkatëse,
III. Pedagogë të ftuar të Fakultetit, sipas nevojës për ato programe studimi ku nuk mund të mbulohen nga pikat I, II të këtij Neni.
3.4 Në përbërjen të komisionit nuk mund të jenë pedagogë apo persona të tjerë të cilët kanë bërë konsultime private lidhur me konkursin e pranimit apo janë në konflikt interesi.
3.5 Në ambientet ku zhvillohet konkursi nuk lejohet hyrja e personave të pa autorizuar nga Titullari i Fakultetit të Artit Skenik.
3.6 Për monitorimin e të gjithë procedurave të konkurrimit, që kanë të bëjnë me organizimin, administrimin, vlerësimin dhe shpalljen e rezultateve, Rektori i UART, me Urdhër të posaçëm ngre grupin përkatës, i cili monitoron cilësinë e zhvillimit të gjithë procedurave të konkurrimit në Fakultetin e Artit Skenik, si dhe nga përfaqësuesit e MAS.

Neni 4
Procedura e hyries së kandidatëve në mjediset e konkurrimit.


Adresa: Blv, "Deshmoret e Kombit", Sheshi "Nène Tereza", Tirane Shqipéri. Tel: +35542247598 , www.uart.edu.al
4.1 Kanë të drejtë të regjistrohen për në konkurs të gjithë kandidatët që plotësojnë kriteret e Nenit 2, të kësaj rregulloreje.
4.2 Kanë të drejtë të hyjnë në konkurs të gjithë kandidatët që janë regjistruar pranë Sekretarisë mësimore të Fakultetit të Artit Skenik, brenda afatit të përcaktuar nga MAS.
4.3 Konkursi për Fakultetin e Artit Skenik do të zhvillohet në ambientet e Fakultetit, sipas udhëzimeve të MAS.
4.4 Lejohen të hyjnë në konkurs vetëm kandidatët e listës së shpallur për konkurrim, të cilët duhet të jenë të pajisur me dokument identifikimi si më poshtë:
I. Kartë Identiteti,
II. Pasaportë për jashtë shteti.
III. Kandidatët që nuk kanë asnjë nga këto dokumente identifikimi nuk do të pranohen të marrin pjesë në konkurs.
4.5 Kandidati konkurrent për të hyrë në konkurs duhet të ketë bërë pagesën e përcaktuar, në llogari të Universitetit të Arteve. Kjo e bazuar në Udhëzimet e Ministrisë së Arsimit dhe Sportit.
4.6 Në varësi të specifikave për secilin Program Studimi komisionet do të punojnë paradite dhe pasdite me paraqitjet individuale të kandidatëve, duke i bërë të ditura më parë oraret përkatëse. Oraret duhet të shpallen në ambientet e Fakultetit të Muzikës
4.7 Oraret e fillimit të konkurseve, si dhe ambientet e zhvillimit të tyre do të jenë të shpallura në kalendarin e zhvillimit të konkurseve në ambientet e Fakultetit të Artit Skenik.
4.8 Kalendari i Orareve dhe Ambienteve shpallet në Fakultet një javë përpara fillimit të konkursit.
4.9 Ditën e parë të konkursit faza e II pasi të jenë sistemuar në ambientet e zhvillimit të tij, kandidatëve u komunikohen rregullat e konkurrimit. Kjo bëhet nga Kryetarët e Komisioneve përkatëse.
4.10 Sekretaria mësimore ju dorëzon me procesverbal Kryetarëve të Komisioneve të Programit të Studimit të gjitha materialet për konkurs, si dhe listat e konkurrentëve të regjistruar pranë kësaj sekretarie.
4.11 Bazuar në kriteret për secilin Program Studimi, komisionet krijojnë hapësirën kohore të nevojshme për shpërfaqjen individuale të kandidatëve gjatë konkurrimit.

## Neni 5 <br> Mënyra e Vlerësimit

5.1 Vlerësimi maksimal për çdo konkurrent është gjithsej 100 pikë.
5.2 Vlerësimi maksimal i Fazës së I të konkurrimit mbi shqyrtimin e dosjes dhe notës mesatare është 50 pikë.
5.3 Vlerësimi maksimal i Fazës së dytë të konkurrimit me testin teorik dhe te formimit artistik është 50 pikë ESHQ/D


Adresa: Blv. "Deshmoret e Kombit", Sheshi "Nenë Tereza", Tirané Shqipëri. Tel: +355 42247598 , www.uart.edu.al

REPUBLIKA E SHQIPERISE UNIVERSITETI I ARTEVE FAKULTETI I ARTIT SKENIK

## Neni 6

## Vlerësimi dhe shpallia e rezultateve

6.1 Vlerësimi për paraqitjen individuale të çdo kandidati bëhen nga Komisioni i Pranimit të Programit të Studimit, përbërja dhe numri i të cilit caktohen nga titullari i Fakultetit.
6.2 Numri i anëtarëve të komisionit në asnjë rast, nuk duhet të jetë më i vogël se 3 (tre).
6.3 Gjatë paraqitjes individuale të kandidatëve, anëtarët e jurisë mbajnë shënimet përkatëse. Po ashtu çdo anëtar i jurisë ka të drejtë t'i drejtojë kandidatit që konkurron kërkesa konkrete, të cilat i duken të arsyeshme për një shpërfaqje sa më të mirë të tij.
6.4 Mbas paraqitjes së kandidatit të fundit, në mbarim të gjithë seancave që parashikohen në kriteret e konkurrimit, Komisioni i Pranimit të Programit të Studimit, nën drejtimin e Kryetarit, mblidhen për të vlerësuar një për një paraqitjet e secilit kandidat. Vlerësimi përmban debatin si formë kryesore dhe në fund vendosjen e pikëve për secilin kandidat.
6.5 100 pikët e mundshme në dispozicion të Komisionit të pranimit, shpërndahen në mënyrë të barabartë tek të gjithë anëtarët e komisionit.
6.6 Secili anëtar i komisionit të pranimit vendos sasinë e pikëve përkrah emrit të kandidatit.
6.7 Komisioni i Pranimit të Programit të Studimit, në përfundim të vlerësimeve, përpilon listën e kandidatëve me pikët respektive në bazë të listës së sekretarisë mësimore. Lista në fund nënshkruhet nga të gjithë anëtarët e Komisionit të Pranimit.
6.8 Lista e nënshkruar si dhe shënimet e anëtarëve të komisionit të pranimit për çdo konkurrent, i dorëzohen me procesverbal titullarit të Fakultetit.
6.9 Komisionet e Programeve të Studimit në Fakultetin e Artit Skenik, me kërkesë të tyren, mund ti kërkojnë Titullarit të Fakultetit, Xhirimin ose Incizimin e konkursit.
6.10 Komisionet e Pranimit të Programit të Studimit pas vlerësimeve për çdo kandidat, të gjitha dosjet dhe kasetat me materialet e mësipërme ja dorëzojnë me procesverbal Titullarit të Fakultetit.
6.11 Lista përfundimtare me pikët respektive për të gjithë Programet e Studimit firmosen nga Titullari i Fakultetit dhe i dërgohet Ministrisë së Arsimit dhe Sportit.

## Neni 7 <br> Shpallia e fituesve

7.1 Shpalljen përfundimtare për fituesve e bën Dekani i Fakultetit mbi bazën e kuotave të aprovuar nga Ministria e Arsimit dhe Sportit
7.2 Në rastin kur disa konkurrues kanë fituar të njëjtin numër pikësh, ata nënrenditen midis tyre sipas rendit zbritës të pikëve të fituara në testin special, (faza e dytë).

## Neni 8

## Regiistrimi për të fituar statusin e studentit

8.1 Kandidatët që shpallen fitues, duhet të regjistrohen për të fituar statusin e studentit.
8.2 Kandidatët që regjistrohen si student në Universitetin e Arteve duhet të paraqesin dokumente origjinale.
8.3 Ato duhet të jenë:
I. Diploma Bachelor
II. Për kandidatët shqiptarë nga Kosova, Maqedonia, Mali i Zi, Presheva, Bujanovci dhe Medvegja, dokumentet e mësipërme duhet të jenë të përkthyera në gjuhën shqipe e të noteruara.
III. Kartë identiteti,
IV. Pasaportë,
V. $2(d y)$ fotografi
VI. Mandat arkëtimi i tarifës së regjistrimit që caktohet nga Ministria e Arsimit dhe Sportit.
8.4 Sekretaria duhet të pajisë kandidatin me një fletë të posaçme ku shënohet: numri i regjistrimit, emri i kandidatit si dhe data dhe ora e regjistrimit. Fleta e regjistrimit duhet të jetë e nënshkruar nga Dekani dhe Sekretarja e Fakultetit.
8.5 Gjithashtu në këtë regjistër duhet të nënshkruajë çdo kandidat fitues, i regjistruar më parë, por që kërkon të ç'regjistrohet nga kjo degë për arsye të ndryshme.
8.6 Kandidatit që çregjistrohet i kthehen vetëm dokumentet origjinale personale por jo pagesa e regjistrimit.
8.7 Regjistrimet e kandidatëve fitues për të gjitha kuotat kryhen pranë Sekretarisë së Fakultetit të Artit Skenik, në datat që do të përcaktojë Ministria e Arsimit dhe Sportit.

## Neni 7 <br> Rregulla për kandidatët

Gjatë konkursit, kandidati duhet të respektojë këto rregulla:
9.1 Kandidatët duhet të paraqiten në Fakultet ditën e parë të fillimit të konkursit në orën e përcaktuar në kalendarin e zhvillimit të konkurseve i shpallur në Fakultetin e Artit Skenik.
9.2 Kandidati do të paraqitet para Komisionit të Pranimit të Programit të Studimit në bazë të orarit që do të përcaktojë Komisioni i Programit të Studimit. Mosparaqitja në bazë të këtij orari çon në s'kualifikimin e tij nga konkursi.
9.3 Konkursi është kolektiv dhe individual.
9.4 Kandidati duhet të shpërfaqi para Komisionit kërkesat që rrjedhin nga kriteret e konkursit të pranimit për çdo Program Studimi.
9.5 Nga ana tjetër komisioni krijon atmosferën e nevojshme që kandidati të shpreh aftësitë e tij.
9.6 Kandidati do të largohet nga konkurrimi vetëm kur komisioni t'ia kërkojë këtë gjë.


